

Агар таклиф қилинсангиз, қабул қилинг | Сийрат дарслари (317-дарс)



19:00 / 14 февраль 807

578. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васалламга аввалги мевадан келтирилар эди. Шунда у зот: **«Аллоҳим! Бизга Мадинамизни, меваларимизни, соъимизни, муддимизни баракали қилгин. Барака ила баракали қилгин»**, дер эдилар. Кейин уни (хузурларида) ҳозир бўлган болалардан энг кичигига берар эдилар».

Муслим ривоят қилган.

579. Абдуллоҳ ибн Умар розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: **«Ҳеч ким биронинг ҳайвонини унинг изнисиз соғмасин. Бирортангиз ўз ичимлик идишининг синдирилиб, озуқаси зое бўлишини хоҳлармиди? Албатта, ҳайвонларнинг елинларида уларнинг озуқалари сақланади. Ҳеч ким биронинг ҳайвонини унинг изнисиз соғмасин»**, дедилар».

Бухорий ва Муслим ривоят қилишган.

580. Абдуллоҳ ибн Аббос розияллоҳу анҳумодан ривоят қилинади.

«Расууллоҳ соллаллоҳу алайҳи васаллам барча озиқ тишли йиртқичлар ва тирноқли қушлар(нинг гўштини ейиш)дан қайтардилар».

Муслим ривоят қилган.

581. Ибн Умар розияллоҳу анҳумодан ривоят қилинади:

«Расууллоҳ соллаллоҳу алайҳи васаллам: **«Агар таклиф қилинсангиз, қабул қилинг»**, дедилар».

Ибн Умар никоҳ тўйига ҳам, бошқа маросимга ҳам рўзадор ҳолида келар эди.

Бухорий ва Муслим ривоят қилишган.

582. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам: **«Пойча ёки туёқقا таклиф қилинсан ҳам, бораман. Менга пойча ёки туёқ ҳадя қилинса ҳам, қабул қиласман»**, дедилар».

Бухорий ривоят қилган.

583. Анас ибн Молик розияллоҳу анҳудан ривоят қилинади:

«Расууллоҳ соллаллоҳу алайҳи васалламнинг форс қўшнилари бор эди. Шўрваси мазали бўларди. У Расууллоҳ соллаллоҳу алайҳи васалламга атаб (шўрва) пиширди ва келиб таклиф қилди. Шунда у зот: **«Буни ҳамми?»** деб Оишани кўрсатдилар. «Йўқ», деди. Шунда Расууллоҳ соллаллоҳу алайҳи васаллам ҳам: **«Йўқ»**, дедилар. У қайтиб яна чақирди. Расууллоҳ соллаллоҳу алайҳи васаллам: **«Буни ҳамми?»** дедилар. «Йўқ», деди. «Йўқ», дедилар. У қайтиб яна чақирди. Расууллоҳ соллаллоҳу алайҳи васаллам: **«Буни ҳамми?»** дедилар. «Ҳа», деди. Учинчисида икковлари туриб, бир-бирларидан ўзишга ҳаракат қилиб, унинг манзилига келишди».

Муслим ривоят қилган.

«Расууллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosаси асосида чоп этилган.

